



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cornelii Jansenii Iprensis Episcopi Augustinus Europaeus
Perperam Dictus**

Wavre, Philippus van

Antverpiae, 1709

§. 8. Avitus & Alij, ut Pelagiani, postulant aduientiam cum damnati
debeant agere pœnitentiam.

urn:nbn:de:hbz:466:1-39351

§. 8.

*Abitus & Paulus Aurelius, ut Pelagiani,
postulant audientiam cum damnati
debeant agere pœnitentiam.*

*Causa finita est: utinam finiatur error
Aug. Serm. 2. de verb. Apost. c. 10. Non
tamen sic, ut par erat, finitus est error Aposto-
lico toties mucrone percussus: Nequè enim
desuère, nequè adhuc desunt homines veritati
non acquiescentes & numquam Ecclesiæ con-
tradicens finem facientes. SS. D. N. Cle-
mens XI. Constitutione, quæ de Exor-
dio vineam Domini Sabaoth intitulatur.
Qualibus dictum congruit: Adhuc in-
super efflagitant audientiam, cum damnati
debeant agere pœnitentiam. Librò. 1. ad
Bonif. c. 24.*

Necdum quintuplici per Successores suos
Apostolorum Princeps Petrus vice locutus
fuerat, necdum quinariâ adversus Pelagianam
pestem vibrata fulmina, sed ad duo Africana
Concilia Rescripta missitaverat Roma; & ecce
Sol Africanus fulgore suò perstrinxit Pelagia-
nos, obturat obloquentium ora, ad Conci-
lium Generale appellantium cogitationes eva-
cuat, elidit jura, audientiam abjudicat damna-
tis, & solam pœnitentiam, nî perire aveant,
in medelam suadet: Jam enim de hac causa,
inquit, duo Concilia missa sunt ad Sedem Apostoli-
cam: Indè etiam Rescripta venerunt. Causa fini-

632 EXCURSUS CONTRA

sa est. Utinam aliquando finiatur error. Ac cum nec sic errorem cerneret finitum, non sine stupore ac indignatione refert; Et hæc execrabilia dogmata tenentes & seminantes adhuc insuper flagrant audientiam, cum damnati debeant agere pœnitentiam.

Contrà novitiam Cornelii Jansenij pestem ejusdem Apostolicæ Sedis Præsules quinque, Innocentius X. Alex. VII. Clemens IX. Innocentius XII. ac Clemens XI. ejusdem Petri auctoritate donati, infallibilitate protecti, zelo pari, devotione consimili, Magisterij sui dogmatica Rescripta dederunt, quinque Propositiones famosas, ut Jansenianas, damnavêrunt, hæreticasque in obvio sensu & proprio declaravêrunt; & tamen, qui Christiani gregis oves vidêri volunt, remugiunt, rugiunt, ululant, divina, humanaque in Jansenii damnatione jura violata, Jansenium ceu alterum Abelem mactatum, divinum Jansenii opus (quâ alterum seu potius ipsum Augustinum rati) sinè sacrilegio atquè Christianæ Gratiæ acerbô funere non potuisse violari clamitant, ejulant, iniquos judices innocentissimæ Susannæ cum Daniele revocantes ac redarguentes: *Redite ad Judicium.*

Avitus enim Academicus adoptat verba Orationis funebbris Lovanii habitæ pro Cornelii Jansenii Justificatione: *Tanti est Theologis vestris perditio unius dignissimi, omnique virtutum genere exornatissimi Præsulis.... ut quantum in ipsis est, omnem bonam mentem ab hominibus abactam, omnem Justitiam terrâ pulsam.... ne cernamus apertissimam injustitiam, instar Sanguinis Abel clamantem, quâ excellentissimus scriptor, Nullô umquam judiciô contradictoriô defensûs in perduellium Ecclesiæ Catalogum truditur, totô orbe nigerrimâ contumeliâ afficitur; Insons, Innocuus, imò immensâ laude dignus.*
Vin.

Avitus
Acad.
Paraphrasis
pag. 12.

Vincentius Paleologus Jansenianam hæresim vocat, *Janseniani* nominis phaleram toties detectam & exsufflatam. Et alibi: Dari Jansenistas, qui quinque propositiones in sensu à Pontificibus damnato (Quem Augustinianum esse viræ vocis oraculo non semel declaravêrunt) vel ipsas etiam propositiones nudas, ut jacent, doceant, tum mi, Notarie, quamvis omnes angulos etiam glyribus & muribus impervios atque ignotos excutias, non deprehendes. Nullos quoque (proprie loquendo) Jansenistas umquam extitisse, aut existere umquam posse, ex eo indubitate conficitur, quod nullius umquam dogmatis Auctor fuerit. Igitur nec ipse Jansenius (si rem equâ lance expendas) Jansenista esse posuit. Quia non docet quid sentiat Jansenius, sed refert, quid Augustinus tradat. Ità Pontifices, si illis fabulonibus fides, aëra cæciderunt, & in Pentade damnatâ, umbras peremerunt. Jansenium damnari non posse autumant, quia non nisi Augustini Interpres est. An non & hæretici Sacræ Scripturæ Interpretes agunt, Scripturas citant, Scripturasque plenis buccis intonant? Augustinum verò probatum undè noverunt, nisi quia Pontifices primitus probavêrunt? Et Augustino obstrepentibus in Galliâ quis ora conclusit, nisi Papa Cælestinus, cujus erat librare sensa Sanctissimi Doctores, & à calumniis vindicare? Quod pro sinceritate Augustinianæ Doctrinæ tuenda fecêre Romani Pontifices, hoc pro discretionis vilis damnabilisque Doctrinæ Jansenianæ præstitêre ejusdem Apostolicæ Cathedræ Antistites. Si in Jansenij causa errasse asserant Janseniani, videant quantum Jansenium exaniment, ipsumque quem vocant Augustinum. Videant etiam quantum adjuvent Pelagianos Authoritatem Apostolicæ Sedis

R r 5

tan-

Vincentius
Paleologus
pag. 1.

pag. 6r.

634 EXCURSUS CONTRA

tandem condemnantes, & totum orbem ad novum Judicii Examen convocare desiderantes.

Paulus

Aurelius

Prolog.

Galat. §. 4.

§. 5.

Aug. L. 3.

cont. Iul. c. 1.

Pergit equidem Paulus Aurelius, & postulat, ut feralibus seditionibus sopiendis, fiat Juridica libri discussio. Et rursus asserit, hanc viam nihil superæ potestati Innocentius XII. gloriosius, ac magnificentius, nihil Reipublicæ Christianæ utilius, & salutaris, &c. At magistri Vestri, mi Avite, & Paule, cum ista fecerunt, mercedem receperunt, quæ vobis retribuenda venit: Vestra apud competens iudicium commune Episcoporum modo causa finita est.

Denique eosdem, quos Augustinus Pelagianis male appellantibus dedit, vobis omnibus defensoribus Jansenij novam audientiam flagitantibus Apostolos jure dando ad salutem tribuo: Similes estis potius Maximianistis, qui cupientes exiguitatem suam nomine saltem certaminis consolari, & ideo videri aliquid apud eos, quibus contemptibiles erant, quia inire nobiscum sinerentur Examen: Interpellantes eos, & libellum dantes provocantesque contempsimus. Magis enim de certamine nominari desiderabant, quam formidabant incertamine superari, nec sperabant victoriæ gloriam; sed famam requirebant Collationis, quia multitudinis non habebant. Si ergo putatis ideo vos esse victores, quia non vobis datum est, quale desideratis Examen; Maximianistæ vos ad ista vaniloquia præcesserunt: quamvis dederit vobis Ecclesia Catholica iudicium, quale debuit, ubi causa vestra finita est: illis autem nullum dare dignata est.

Si autem in Maximianistis videtis non esse consequens, ut qui conferre in aliquo iudicio non sinuntur; putari debeant de veritate considerare, nolite ulterius hæc vana jactare: vobisque sufficiat, quod vos Ecclesia Catholica, & maternâ lenitate sustinuit, & judiciariâ severitate, vel potius medicinali necessitate damnavit.

Quod

VEROS JANSENISTAS. 635

Quod si Clemens Papa Sanctissimus severiori vos Ecclesiasticæ disciplinæ nervo, abnegatâ Janseniani operis ulteriori discussione ad obedientiam compulerit, laudabunt in eo Catholici, quod in Cælestino Prosper, nimirum: *Sciens damnatis non Examen Iudicii, sed solum S. Prosper pœnitentiæ remedium esse præstandum: Cælestium, cont. Collat. quasi non discussio negotiò audientiam postulantem, cap. 41. totius Italiæ finibus iussit extrudi: & Præcessorum suorum statuta, & Decreta Synodalia inviolabiliter servanda censebat: Ut quod semel meruerit abscindi, nequaquam admitteret retractari.*

§. 9.

Ostenditur, quam sit frivola pro defensione quinque Propositionum è Cornely Iansenij Libro excerptarum postulata ab Avito Academico, Paulo Aurelio, & Vincentio Paleologo audientia Partium contradictoriarum, ac novi norma Iudicii. Ex verbis tuis Justificaberis, & ex verbis tuis condemnaberis.

Pro feralibus seditionibus sopiendis, requiritur Juridica libri (Jansenii) discussio, ubi defensionis locus detur, partes audiantur contradictoriae, & omnibus perceptis, consideratis, expensis, peremptoria dicatur sententia, inquit Paulus Aurelius. *Paulus Aurelius Prolog. Gal. §. 4. sect. 3. Fol. 69,*

Causam è jure depromptam habes cum ita ratiocinatur: Clamant jura omnia divina & humana, non oportere quemquam damnari priusquam locum defendendi accipias ad abluenda crimina. Censet ergò magnus ille legum peritus de libris

&